

Аҳоли турмуш даражаси ва сифатини ошириш

Аҳоли турмуш даражаси ва сифатини ошириши, таълим, ижтимоий таъминот ва соғлиқни сақлаши тизимини ривожлантириши, баркамол авлодни тарбия қилиши ҳамда ҳудудларда экологик вазиятни яхшилаши бўйича чора-тадбирларни амалга оширишида маҳаллий давлат ҳокимияти органлари раҳбарларининг масъулияти тўғрисида.

Ассалому алайкум, муҳтарам Шавкат Миромонович!

Сизнинг аҳолига, айниқса ёшларга чексиз ғамхўрлигингиз, эътиборингиз туфайли ёш авлоднинг замонавий билим олиши, чет тилларини ўрганиши, спорт билан шуғулланиши, уларни соғлом ⓧ ⓧ ⓧ етук фарзанд бўлиб тарбияланишлари учун бекёёс имкониятлар яратиб берилмоқда.

Андижон вилояти республиканинг иқтисодий, ижтимоий ва маданий ҳаётида жуда муҳим, айтиш мумкинки, стратегик ўрин тутади. Кўпгина соҳалар бўйича энг илфор ва салмоқли улушга эга ҳудудларимиздан ҳисобланади. Вилоят эришаётган натижаларнинг яратувчиси ва энг катта ютуғи эса – унинг самимий, мард, омилкор ва меҳнаткаш халқидир.

Хусусан, Бугунги кунда вилоятда қарийб 3 миллион киши ёки мамлакат аҳолисининг 9,3 фоизи истиқомат қиласи. Вилоят аҳолининг зичлиги бўйича 1 квадрат километрга 676 киши кўрсаткичи билан нафақат Марказий Осиёда, балки дунёда юқори ўринларда туради.

Сиз томонингиздан берилган кўрсатмаларингиз асосида амалга оширилаётган ислоҳотлар туфайли Андижон вилояти **юқори суръатлар билан ижтимоий - иқтисодий ривожланмоқда**. **2010 йилдан буён вилоятнинг ялпи ҳудудий маҳсулоти 1,7 баравар ошганлигини алоҳида таъкидлаб ўтиш ўринлидир.**

Шу ўринда вилоят иқтисодиётидаги улкан ижобий ўзгаришлар, унинг борган сари бақувват бўлиб бораётгани натижасида аҳоли жон бошига даромадлар охирги беш йил мобайнида **2,6** баравар ўсган.

Мисол учун, ўтган 5 йил давомида ҳар 100 та хонадонга тўғри келадиган автомобиллар сони 1,5 баравар, электр чангютгичлар

2,1 баравар, кир ювиш машиналари 1,2 баравар, телевизорлар ва музлаткичлар 1,1 бараварга кўпайиши кузатилди.

Шу ўринда беш йилда вилоятнинг 212 та қишлоқ массивида намунавий лойиҳалар асосида 6200 тага яқин уй-жой қурилиб, бундай шинам уй-жойларда яшаётган ва ҳаёт сифати анча ошган оилалар сони кўпайди.

Ҳудудларда санитария ва экологик вазиятни тубдан яхшилаш, аҳоли пунктларида санитария жиҳатидан тозалаш тизимини ривожлантириш ва такоммиллаштириш мақсадида вилоятимизда **15 та чиқиндиҳоналар (полигонлар) ташкил қилиниб, аҳоли яшаш пунктларида **570 та** чиқинди йиғиш майдончалари ташкил қилинди, **378 та** чиқинди йиғиш контейнерлари билан таъминланди.**

Ҳурматли Шавкат Миромонович,

Бугунги кунда вилоятда **4 та** олий таълим муассасалари, **12 та** академик лицей ва **117 та** касб-хунар коллежлари, **740 та** умумтаълим мактаблари, **450 та** мактабгача таълим муассасалари, **64 та** мактабдан ташқари таълим муассасалари фаолият қўсатиб келмоқда.

Таълим муассасаларида таълим сифатини ошириш ва қулай шароитлар яратиш мақсадида 2016 йил Инвестиция дастури доирасида жами **68 млрд. сўм** маблағлар ҳисобига вилоятдаги **16 та** умумтаълим мактаблари, **9 та** касб хунар коллежлари, **21 та** болалар спорти спорти объектлари, **2 та** мусиқа ва санъат мактаблари ва **25 та** мактабгача таълим муассасаларида қурилиш, капитал таъмирлаш ва реконструкция қилиш ишлари амалга оширилди.

Шунингдек, мактабгача таълим муассасалари 3,9 млрд. сўмлик замонавий мебеллар билан таъминланди. Натижада мактабгача таълим муассасаларига болаларни қамраб олии қўрсаткичи вилоятда 21 фоиздан 23,5 фоизга (2,5 фоизга ортди) ўсди.

Ушбу объектларини ўз вақтида фойдаланишга топшириш орқали 10 мингдан зиёд болалар ва ёшларни таълим олишлари, спорт билан шуғулланишлари учун қулай шароитлар яратилди.

□2016 йилда касб-хунар коллажларининг **43200 нафар** битирувчиларидан жами **40928 нафари ёки 94,7 фоизини** бандлиги таъминланди. Ишга жойлашган битирувчилар **24603 нафари** □

(61,1 фоизи) ўзлари эгаллаган мутахассисликлари бўйича ишламоқда.

Шунингдек, **2421 нафар** коллеж битирувчилари учун тижорат банклари томонидан **32 млрд. сўм** миқдорида имтиёзли кредитлар ажратилиб, булар ҳисобига **2506 та** янги иш ўринлари яратилди.

Мисол учун, Xўжаобод қишлоқ хўжалиги касб-хунар коллежи битирувчиси Позилов Бахтиёр, Қишлоқ қурилиши банк томонидан □ □□□□□ эшик ром ишлаб чиқарии □ □ бўйича 50 млн. сўм имтиёзли кредит маблағи олиб, 5 та иш ўрни яратди.

Мухтарам Шавкат Миромонович,

Бугунги кунда Андижон вилоятида **2,9 млн. нафар** аҳоли истиқомат қилиб, уларнинг **796,9 минг нафари** (27,3%) туғиши ёшидаги аёллар, **948 минг нафари** болаларни ташкил этади.

Вилоятимиз аҳолисига **390 та** тиббиёт муассасалари фаолият қўрсатиб, улардан **53 таси** вилоят шифохоналари, шаҳарлар ва туманлар тиббиёт бирлашмалари, **312 та** қишлоқ врачлик пунктлари, **17 та** кўп тармоқли марказий поликлиникалар ва **8 та** оиласиб поликлиникалар сифатли тиббий хизмат қўрсатмоқда.

Жумладан, ҳисобот даврида вилоятда **269 минг 611 нафар** нафакадаги фуқаролар, **50 минг 222 нафар** ногиронлар ва **1869 нафар** якка-ёлғизлар истиқомат қилиб, шулардан сиҳатгоҳларда даволанишга муҳтоҷ **2100 нафари** республикамиздаги **5 та** сиҳатгоҳларда соғлиқларини қайта тиклашга амалий ёрдамлар берилмоқда.

Шу ўринда вилоятнинг энг чекка қишлоқлари, шаҳарлардаги тиббиёт бирлашмалари ва оиласвий поликлиникаларга асбоб-ускуналари учун

1 млн. 452 минг АҚШ доллары, 89 минг 440 Евро ҳамда 6 млрд.

561 млн. сўм маблағлар йўналтирилди.

Ахолига күрсатилаётгани бирламчи тиббий хизмат сифатини яхшилаш мақсадида соғлиқни сақлаш тизимида **2550 нафар** патронаж ҳамширалари фаолият күсатыб келмоқда, улар томондан ахолининг хонадонларига ташриф буюрган ҳолда уй шароитида даволаш юзасидан тиббий хизмат күрсатиш йўлга кўйилди.

Натижа, ҳудудларда оналар ва гўдаклар ўлими кўрсаткичи ўтган йилнинг мос даврига нисбатан камайди.

Мухтарам Шавкат Миромонович,

Аҳолининг ўзгалар парваришига муҳтож бўлган ногиронларни соғлиги ва ҳаракатланишига кўмак бериш мақсадида **75 млн. сўмлик** протез-ортопедик маҳсулотлари ва **182 дона** ногиронлик аравачалари билан таъминланди.

Бундан ташқари, аҳолини ижтимоий кўллаб-куватлаш мақсдида вилоятдаги **17450 нафар** фуқарога ёшга доир, **1146 нафар** фуқарога ногиронлик, **1408 нафар** фуқарога бокувчисини йўқотганлик пенсиялари ва **3016 нафар** фуқароларга ижтимоий нафақалар тайинланди.

Фуқароимизга пенсия ва ижтимоий нафақаларни тұлаш учун

Штрлн. 40 млрд. сўм маблағлар ўз вақтида молиялаштирилиб, ўз вақтида етказилиши таъминланди. □

Мухтарам Шавкат Миромонович,

Шуни алоҳида такидлаш жоизки, Мустақиллик йилларига қадар вилоятдаги **75 фоиз** мурувват уйлари кўримсиз, мослаштирилган биноларда, эски жиҳозлар билан фаолият кўрсатиб келган эди.

Сизнинг ташаббусингиз билан 2016 йил 28 декабрдаги

ПҚ 2705-сон қарорингиз асосида ушбу соҳага тубдан ўзгартиришлар киритилди.

Ушбу муассасаларни Соғлиқни сақлаш тизимиға киритиш орқали аҳолининг ҳожатманд қатламларини ижтимоий қўллаб-кувватлаш ҳамда тиббий-ижтимоий ёрдам кўрсатиш тизими яратилди.

Хусусан, 2017-2020 йиллар давомида босқичма-босқич вилоятдаги интернат уйлари муассаларида **35 млрд. 283 млн. сүмлик** янгидан қуриш ва реконструкция ишлари олиб борилиши белгиланди.

Бундан ташқари, 2017 йилда 1 млрд. сўм вилоят ҳомийлари маблаҳлари ҳисобидан мазкур муассасаларнинг жиҳозлари янгиланишни режалаштириб олдик.

Мухтарам Шавкат Миромонович,

Вилоятда табиат муҳофазаси ва унинг захираларидан тежамкорлик билан фойдаланиш, экологик вазиятни барқарорлаштириш, табиатга етказилиши мумкин бўлган салбий таъсирларни олдини олиш

ва камайтириш борасида муайян ишлар амалга оширилди.

Жумладан, **4 минг 910 та** корхона ва ташкилот назоратга олинган бўлиб, ўтган йилда **548 млн. сўм** атроф табиий мухит ифлослантирилганлиги учун тўловлар ундирилди. Ушбу келиб тушган маблағларнинг **60 фоизи** яъни **380 млн. сўм** Республика бюджетга ўтказилди.

Бу борада беш йиллик давлат дастури тасдиқланиб, бу асосида атроф мухитни муҳофаза қилиш тадбирларни амалга ошириш учун жами **17 млрд. сўм** хамда Осиё тараккиёт банки ҳисобидан **21 млн. АҚШ доллари** миқдорида маблағлар йўналтирилди.

Вилоятда Тошкент шаҳридаги **Лайт** савдо фирмасининг иккита расмий дилерлари бўлган **Голд Стил** МЧЖ ва **Груп** МЧЖлари томонидан **8 маҳаллар** ва туман савдо шаҳобчаларида яроқсиз люминесцент лампаларни аҳолидан йиғиш масканларини ташкил этиш орқали аҳоли хамда хўжалик юритувчи субъектлар томонидан **40 мингдан** ортиқ ишга яроқсиз люменисцент лампалар йиғиб олинди.

2016 йил учун вилоятда **муҳитни муҳофаза қилиш, табиий ва биологик ресурслардан оқилона фойдаланиш** хамда уларни қайта тиклаш ҳақида”ги чора-тадбирлари асосида **68 та** тадбирлар учун **2 млрд. сўмга** яқин маблағлар йўналтирилди.

Мұхтарам Шавкат Миромонович,

Аҳоли турмуш даражаси ва сифатини ошириш, таълим, ижтимоий таъминот ва соғлиқни сақлаш тизимини ривожлантириш, баркамол авлодни тарбия қилиш хамда худудларда экологик вазиятни яхшилаш бўйича 2017 йилда куйидаги ишлар амалга оширилади.

Биринчидан, Андижон шаҳридаги вилоят перинатал маркази, вилоят руҳий касалликлар шифохонаси, 6-оиласвий поликлиника, Шаҳрихон, Хўжаобод, Марҳамат, Пахтаобод, Кўрғонтепа, Жалақудук, Булоқбоши туманлари тиббиёт бирлашмалари 34 млрд. сўм маблағ эвазига реконструкция қилинади.

Шунингдек, 3 млрд. сўм маблағ эвазига Андижон шаҳридаги "Саховат" уйида 54 ўринли ётоқхона, кирхона, хаммом ва ошхона биноси янги қурилади.

Учинчидан, вилоят перинатал марказида қурилган янги бинода

30 ўринли касалликга мойил чақалоқлар бўлмини ишга туширилади, вилоят болалар кўп тармоқлик тиббиёт марказида болалар кардиохирургия ва пластик жарроҳлик бўлимларини ташкил қилинади.

Натижасида янги туғилган чақалоқлар ва болаларга ўз вақтида сифатли ёрдам кўрсатиш имконияти яратилади.

Тўртинчидан туманлардаги қишлоқ врачлик пунктларини мақбуллаштириш ишларини ташкил қилиб, 40 та муассаса таъмирдан чмқарилади ва уларни ўрнида замонавий болалар ва аёллар поликлиникаларни ташкил қилинади.

Бундан ташқари, аҳоли яшаш пунктларида санитария ва экологик вазиятни тубдан яхшилаш бўйича барча зарурий чоралар кўрилади.

Бешинчидан, вилоятда истиқомат қилаётган 116 нафар якка-ёлғиз фуқаролар учун хар ой давомида

15 турдаги озиқ овқат ва ноозиқ овқат маҳсулотлари ўз вақтида етказиб берилади.

□ Шунингдек 1828 нафар якка ёлғиз фуқароларга 247 нафар тиббий-ижтимоий ҳодимлар бириктирилиб, уй шароитларида уларга қўмак бериб борилади.

Олтинчидан, 2017 йилда жами 66769 та, шу жумладан I чоракда 11591 та янги иш ўринлари яратилади. Шунингдек 41 минг 30 нафар битирувчиларни тўрт томонлама шартномалар асосида ишга жойлаштириш чоралари кўрилади.

Мұхтарам Шавкат Миромонович!

Кун тартибидаги масалалар бўйича Сиз томонингиздан белгилаб берилган топшириқ ва вазифаларни сўзсиз ижросини таъминлаш билан аҳолини яшаш турмуш тарзини ва соғломлаштириш ва таълим олиш тимизини янада юксалтиришга муносиб ҳисса қўшиш биз-андижонликлар учун ҳамиша олий мақсад бўлиб қолаверади, деб Сизни ишонтиришга рухсат бергайсиз.

Ҳисоботим тугади, эътиборингиз учун раҳмат !□